

傅青主女科

清·傅山著
鲁兆麟 主校
图 娅 点校

辽宁科学技术出版社
· 沈阳 ·

中国医学名著

编校委员会

主任 鲁兆麟(北京中医药大学)教授 博士生导师
委员

北京中医药大学	王晓兰	王新佩	石学文	张宝春	张莉莎
	肖诗鹰	陈赞玉	图 娅	高春媛	黄作阵
	韩 平	彭建中	谢路山		

黑龙江中医药大学	张士英	湖北中医学院	傅沛藩
广州中医药大学	邱仕君	湖南中医学院	易法银
河北中医药大学	刘美文	浙江中医学院	倪世美
南京中医药大学	徐荣庆	甘肃中医学院	王道坤
山东中医药大学	张谨庸	天津中医学院	秦玉龙
辽宁中医学院	易同飞	四川中医学院	邓中甲
陕西中医学院	任春荣	长春中医学院	南 征
河南中医学院	袁占盈		

点校说明

《傅青主女科》系明末清初著名医家傅山所撰著的妇产科专著。全书二卷，又名《女科》。约成书于公元十七世纪，初刊于清道光七年（1827）。

傅山，原字青竹，改为青主。号公之它，又号朱衣道人。生于明朝后叶，卒于清初（1607～1684），山西阳曲人（今太原市）。傅山积极参与复明抗清活动而不见容于朝廷，其学术思想及著述每每隐其真名。傅山博通经史百家，颇怀抱负；亦工诗文书画，兼精医学。清康熙时地方官吏强召之应“博学鸿词科”，傅山不就而还。潜心医学，注重调理气血，主张攻补并用；临症治疗长于女科、内科。

《傅青主女科》一书，原非傅山亲手搜集而成，系后人由托名陈士铎著《辨证录》、《石室秘录》、《洞天奥旨》的三种傅山著述中汇集女科有关内容编纂刊行的。

《傅青主女科》卷上列病五类 38 种，即带下、血崩、鬼胎、调经、种子；下卷列病五类 39 种，即妊娠、小产、难产、正产、产后。全书共论及女科病证 80 种，列方 83 首。另附《产后编》上下二篇。共论述 56 种产科病及证治。包括催生、冻产、误破尿泡、霍乱、水肿、恶露、乳痈等。

傅山论治女科，每有独到之处。提倡气血兼顾，攻补并施；立论精要，处方平允。《女科》书出，即被医家视为圭臬。他创制的“生化汤”等方剂，几乎成为产科产后常规用药。因此，本书自刊行后，多次重印，广为流传，是中医妇产科领域中极有影响并密切结合临床、卓有效验的必读著述。

本次整理点校，以光绪七年（1881）羊城五福堂刻本为底本，参照《世补斋医书·后集》陆懋修重刻本和同治八年（1869）湖北崇文书局刻本为主校本进行点校的。为保留古籍原貌，除进行现代汉语标点外，只对个别错字加以纠正。另外，书中眉批系 1831 年祁尔诚氏重刻时所撰写的评注，现因改为横排版式，将眉批并移入正文中。另加眉批二字以示之。此外，书中之“右”，均改为“上”，亦以适应横排的需要，谨致读者。

点校者
一九九四年六月

序

青主先生于明季时，以诸生伏阙上书，讼袁临侯冤事，寻得白，当时义声动天下。马文肃义士传比之裴瑜、魏邵。国变后，隐居嵎岵山中，四方仰望丰采。己未鸿词之荐，先生坚卧不赴，有司敦促就道，先生卒守介节。圣祖仁皇帝鉴其诚，降旨：傅山文学素著，念其年迈，从优加衔，以示恩荣。遂授内阁中书，听其回籍；盖其高尚之志，已久为圣天子所心重矣。而世之称者，乃盛传其字学与医术，不已细哉。字为六艺之一，先生固当究心，若医者，先生所以晦迹而逃名者也。而名即随之，抑可奇矣。且夫医亦何可易言，自后汉张仲景创立方书以来，几二千年，专门名家罕有穷其奥者。先生以馀事及之，遽通乎神。余读兼济堂文集并觚胜诸书，记先生轶事，其诊疾也微而臧，其用方也奇而法，有非东垣丹溪诸人所能及者。昔人称张仲景有神思而乏高韵，故以方术名；先生既擅高韵，又饶精思，贤者不可测如是耶！向闻先生有手著女科并产后书二册，未之见也。近得抄本于友人处，乙酉适世兄王奎章来省试，具道李子缉中贤，至丙戌冬、果寄贤命付剞劂，甚盛德事也，故乐为序而行之。并述先生生平大节，及圣朝广大之典，不禁为之掩卷而三叹也。

道光丁亥夏五月丹崖张凤翔题

序

执成方而治病，古今之大患也。昔人云：用古方治今病，如拆旧屋盖新房，不经大匠之手，经营如何得宜？诚哉是言。昔张仲景先生作《伤寒论》立一百一十三方，言后世必有执其方以误人者，甚矣！成方之不可执也，然则今之《女科》一书，何为而刻乎？此书为傅青主征君手著，其居心与仲景同。而立方与仲景异。何言之？仲景《伤寒论》杂症也，有五运六气之殊，有中表传里之异，或太阳太阴，不一其禀；或内伤外感，不一其原；或阳极似阴，阴极似阳，不一其状。非精心辨症，因病制方，断不能易危就安应手即愈。此书则不然，其方专为女科而设，其症则为妇女所同。带下血崩，调经种子，以及胎前产后。人虽有虚实寒热之分，而方则极平易精详之至，故用之当时而效，传之后世而无不效。非若伤寒杂病必待临症详审，化裁通变，始无贻误也。尝慨后世方书汗牛充栋，然或偏攻偏补，专於一家；主热主寒，坚执谬论；炫一己之才华，失古人之精奥。仲景而后，求其贯彻《灵素》，能收十全之效者，不数数觐。读征君此书，谈症不落古人窠臼，制方不失古人准绳。用药纯和，无一峻品，辨症详明，一目了然。病重者、十剂奏功，病浅者、数服立愈；较仲景之《伤寒论》方虽不同，而济世之功则一也。此书晋省钞本甚夥，然多秘而不传。间有减去药味，错乱分量，彼此参证，多不相符；兹不揣冒昧，详校而重刊之，窃愿家置一编，遇症翻检，照方煎服，必能立起沉痾，并登寿域，或亦济人利世之一端也夫。

道光十一年新正上元同里后学祁尔诚谨序

目 录

女科上卷 共三十八条三十九症四十一方

带下	(1)
白带 完带汤	(1)
青带 加减小便散	(1)
黄带 易黄汤	(1)
黑带 利火汤	(2)
赤带 清肝止淋汤	(2)
血崩	(3)
血崩昏暗 固本止崩汤	(3)
年老血崩 加减小便散	(3)
少妇血崩 固气散	(3)
交感血出 引精止血汤	(3)
郁结血崩 平肝开郁止血汤	(4)
闪跌血崩 逐瘀止血汤	(4)
血海太热 血崩清海丸	(4)
鬼胎	(5)
妇人鬼胎 荡鬼汤 红花霹雳散	(5)
室女鬼胎 荡邪散 调正汤	(5)
调经	(6)
经水先期 水火太旺清经散 火旺水亏	
两地汤	(6)
经水后期 温经摄血汤	(6)
经水先后无定期 定经汤	(6)
经水数月一行 助仙丹	(7)
年老经水复行 安老汤	(7)
经水忽来忽断 时疼时止 加味	
四物汤	(7)
经水未来 腹先疼 宣郁通经汤	(7)
行经后 少腹疼痛 调肝汤	(8)
经前腹痛 吐血 顺经汤	(8)
经水将来 脐下先疼痛 温脐化湿汤	(8)
经水过多 加减小便散	(8)
经前泄水 健固汤	(9)

经前大便下血 顺经两安汤	(9)
年未老 经水断 益经汤	(9)
种子	(10)
身瘦不孕 养精神玉汤	(10)
胸满不思食不孕 并提汤	(10)
下部冰冷不孕 温胞汤	(11)
胸满少食不孕 温土毓麟汤	(11)
少腹急迫不孕 宽带汤	(11)
嫉妒不孕 开郁种玉汤	(12)
肥胖不孕 加味补中益气汤	(12)
骨蒸夜热不孕 清骨滋肾汤	(12)
腰酸腹胀不孕 升带汤	(13)
便涩腹胀足浮肿不孕 化水种子汤	(13)
女科下卷 共三十九条四十一症四十二方二法	
妊娠	(13)
恶阻 顺肝益气汤	(13)
浮肿 加减小便散	(14)
少腹疼 安奠二天汤	(14)
口干咽疼 润燥安胎汤	(15)
吐泻腹痛 援土固胎汤	(15)
子悬 胁疼 解郁汤	(15)
跌损 救损安胎汤	(15)
胎漏 助气补漏汤	(16)
子鸣 扶气止漏汤	(16)
腰腹疼 渴汗燥狂 即子狂 息其安胎汤	(16)
中恶 清恶安胎汤	(17)
多怒 堕胎利气泄火汤	(17)
小产	(17)
行房小产 固本填精汤	(17)
跌闪小产 散瘀汤	(18)
大便干结小产 加减小便散	(18)
畏寒腹痛小产 黄芪补气汤	(18)
大怒小产 引气归血汤	(18)

难产	(19)	死产	(27)
血虚送子丹	(19)	下胞	(27)
交骨不开降子汤	(19)	断脐	(28)
脚手先下转天汤	(20)	治产秘验良方	(28)
气逆舒气汤	(20)	新产治法	(28)
子死产门救母汤	(20)	产后用药十误	(28)
子死腹中疔儿散	(20)	产后寒热	(29)
正产	(21)	胎前患伤寒、疫症、疟疾、堕胎等症.....	(29)
胞衣不下送胞汤 补中益气汤	(21)	产后诸症治法	(29)
气虚血晕补气解晕汤	(22)	血块	(29)
血晕不语刺眉心穴法—独参汤		血晕	(29)
当归补血汤	(22)	厥症	(30)
败血攻心晕狂安心汤	(22)	血崩	(30)
肠下补气升肠汤 草麻仁提法	(22)	气短似喘	(31)
产后	(23)	妄言妄见	(31)
少腹疼血瘀散结定瘀汤 血虚肠宁汤	(23)	伤食	(32)
气喘救脱活母汤	(23)	忿怒	(32)
恶寒身颤十全大补汤	(24)	类疟	(32)
恶心呕吐温肾止呕汤	(24)	类伤寒二阳症	(32)
血崩救败求生汤	(24)	类伤寒三阴症	(33)
手伤胞胎淋漓不止完胞汤	(24)	类中风	(33)
四肢浮肿转气汤	(25)	类痉	(33)
肉线出两收汤	(25)	出汗	(34)
肝痿收膜汤	(25)	盗汗	(34)
气血两虚乳汁不下通乳丹	(26)	口渴兼小便不利	(34)
郁结乳汁不通通肝生乳汤	(26)	遗尿	(34)
产后编上卷	(26)	产后编下卷	(34)
产后总论	(26)	误破尿胞	(34)
产前后方症宜忌	(27)	患淋	(34)
正产	(27)	便数	(35)
伤产	(27)	泻	(35)
调产	(27)	完谷不化	(35)
催生	(27)	痢	(35)
冻产	(27)	霍乱	(36)
热产	(27)	呕逆不食	(36)
横产	(27)	咳嗽	(37)
盘肠产	(27)	水肿	(37)
难产	(27)	流注	(37)

臃胀	(3 8)	阴痛	(3 9)
怔忡惊悸	(3 8)	恶露	(4 0)
骨蒸	(3 8)	乳痈	(4 0)
心痛	(3 8)	风甚	(4 0)
腹痛	(3 9)	不语	(4 0)
小腹痛	(3 9)	补编	(4 1)
虚劳	(3 9)	大便不通	(4 1)
遍身疼痛	(3 9)	鸡爪风	(4 1)
腰痛	(3 9)	浮肿	(4 1)
胁痛	(3 9)		

女科上卷

阳曲 傅 山青主 手著

带下

白带下

夫带下俱是湿症，而以带名者，因带脉不能约束而有此病，故以名之。盖带脉通於任督，任督病而带脉始病，带脉者所以约束胞胎之系也。带脉无力，则难以提系，必然胎胞不固。故曰带弱则胎易坠，带伤则胎不牢。然而带脉之伤，非独跌闪挫气已也。或行房而放纵，或饮酒而颠狂，虽无疼痛之苦，而有暗耗之害，则气不能化经水，而反变为带病矣。故病带者，惟尼僧寡妇出嫁之女多有之，而在室女则少也。况加以脾气之虚，肝气之郁，湿气之侵，热气之逼，安得不成带下之病哉！故妇人终年累月下流白物，如涕如唾，不能禁止，甚则臭秽者，所谓白带也。夫白带乃湿盛而火衰，肝郁而气弱，则脾土受伤，湿土之气下陷；是以脾精不守，不能化荣血以为经水，反变成白滑之物，由阴门直下，欲自禁而不可得也。治法宜大补脾胃之气，稍佐以舒肝之品，使风木不闭塞於地中，则地气自升腾於天上。脾气健而湿气消，自无白带之患矣。方用完带汤。（眉批：妇科一门最属难治。不难於用方，难於辨症也。五带症辨之极明，立方极善，倘用之不效者，必其人经水不调。须於调经种子二门参酌，治之无不见效。即如白带症，倘服药不效，其人必经水过期，少腹急迫，宜服完带汤。余宜类参方见三十三。）

白术一两，土炒 山药一两，炒 人参二钱 白芍五钱，酒炒 车前子三钱，酒炒 苍术三钱制 甘草一钱 陈皮五分 黑芥穗五分 柴胡六分 水煎服。二剂轻，四剂止，六剂则白带全愈。此方脾胃肝三经同治之法，寓补於散之中，寄消於升之内，开提肝木之气，则肝血不燥，何至下克脾土。补益脾土之元，则脾气不湿，何难分消水气。至於补脾而兼以补胃者，由里以及表也。脾非胃气之强，则脾之弱不能旺，是补胃正所以补脾耳。

青带下

妇人有带下而色青者，甚则绿如绿豆汁，稠

粘不断，其气腥臭，所谓青带也。夫青带乃肝经之湿热，肝属木，木色属青，带下流如绿豆汁，明明是肝木之病矣。但肝木最喜水润，湿亦水之积，似湿非肝木之所恶，何以竟成青带之症？不知水为肝木之所喜，而湿实肝木之所以恶，以湿为土之气故也，以所恶者合之所喜必有违者矣。肝之性既违，则肝之气必逆，气欲上升，而湿欲下降，两相牵制，以停住於中焦之间而走於带脉，遂从阴器而出。其色青绿者，正以其乘肝木之气化也。逆轻者热必轻而色青，逆重者热必重而色绿，似乎治青易而治绿难，然而均无所难也。解肝木之火，利膀胱之水，则青绿之带病均去矣。方用加减小逍遥散。

茯苓五钱 白芍五钱，酒炒 甘草五钱，生用 柴胡一钱 茵陈三钱 陈皮一钱 梔子三钱，炒（眉批：脾土喜燥而恶湿，土病湿则木必乘之，木又为湿土之气所侮，故肝亦病逍遥散减去当归，妙极）

水煎服。二剂而色淡，四剂而青绿之带绝，不必过剂矣。夫逍遥散之立法也，乃解肝郁之药耳，何以治青带若斯其神与？盖湿热留於肝经，因肝气之郁也。郁则必逆，逍遥散最能解肝之郁与逆。郁逆之气既解，则湿热难留，而又益之以茵陈之利湿，梔子之清热，肝气得清，而青绿之带又何自来？此方之所以奇而效捷也。倘仅以利湿清热治青带而置肝气於不问，安有止带之日哉！

黄带下

妇人有带下而色黄者，宛如黄茶浓汁，其气腥秽，所谓黄带是也。夫黄带乃任脉之湿热也。任脉本不能容水，湿气安得而入而化为黄带乎？不知带脉横生，通於任脉，任脉直上走於唇齿。唇齿之间，原有不断之泉下贯於任脉以化精，使任脉无热气之绕，则口中之津液尽化为精，以入於肾矣。惟有热邪存於下焦之间，则津液不能化精，而反化湿也。夫湿者、土之气，实水之侵；热者火之气，实木之生。水色本黑，火色本红，今湿与热合，欲化红而不能，欲返黑而不得，煎熬成汁，因变为黄色矣。此乃不从水火之化，而从湿化也。所以世之人有以黄带为脾之湿热，单去治脾而不得痊者，是

不知真水真火合成丹邪元邪，（眉批：丹邪元邪四字未晰，拟易以真水真火为湿热之气所侵绕於任脉云云。较无语病。然原书究不可轻改，姑仍之。按丹元指本体而言，湿热即水火不正之气所以为邪合成者。如净银倾入铅铜，便不成正色矣。真水真火与邪混合为一，则不但侵矣，所以色变原书原无语病。）绕於任脉胞胎之间，而化此黄色也。单治脾何能痊乎！法宜补任脉之虚，而清肾火之炎，则庶几矣。方用易黄汤。

山药一两，炒 芡实一两，炒 黄柏二钱，盐水炒
车前子一钱，酒炒 白果十枚，碎

水煎。连服四剂，无不全愈。此不特治黄带方也。凡有带病者均可治之，而治带黄者，功更奇也。盖山药、芡实专补任脉之虚，又能利水，加白果引入任脉之宫，更为便捷，所以奏功之速也。至於用黄柏清肾中之火也，肾与任脉相通以相济，解肾中之火，即解任脉之热矣。（眉批：凡带症多系脾湿，初病无热，但补脾土兼理冲任之气，其病自愈。若湿久生热，必得清肾火，而湿始有去路，方用黄柏车前子妙。山药、芡实尤能清热生津。）

黑带下 四

妇人带下而色黑者，甚则如黑豆汁，其气亦腥，所谓黑带也。夫黑带者，乃火热之极也。或疑火色本红，何以成黑，谓为下寒之极或有之。殊不知火极似水，乃假象也。其症必腹中疼痛，小便时如刀刺，阴门必发肿，面色发红，日久必黄瘦，饮食必兼人，口中必热渴；饮以凉水，少觉宽快，此胃火太旺，与命门膀胱三焦之火合而熬煎，所以熬干而变为炭色。断是火热之极之变，而非少有寒气也。此等之症，不至发狂者，全赖肾水与肺金无病，其生生不息之气，润心济胃以救之耳。所以但成黑带之症，是火结於下而不炎於上也。治法惟以泄火为主，火热退而湿自除矣。方用利火汤。

大黄三钱 白术五钱，土炒 茯苓三钱 车前子三钱，酒炒 王不留行三钱 黄连三钱 栀子三钱，炒 知母二钱 石膏五钱，煨 刘寄奴三钱

水煎服。一剂小便疼止而通利，二剂黑带变为白，三剂白亦少减，再三剂全愈矣。或谓此方过於迅利，殊不知火盛之时，用不得依违之法。譬如救火之焚，而少为迁缓，则火势延燃，不尽不止。今用黄连、石膏、栀子、知母

一派寒凉之品，入於大黄之中，则迅速扫除；而又得王不留行与刘寄奴之利湿甚急，则湿与热俱无停住之机；佐白术以辅土，茯苓以渗湿，车前以利水，则火退水进，便成既济之卦矣。（眉批：病愈后当节饮食，戒辛热之物，调养脾土。若恃有此方，病发即服，必伤元气矣。慎之！）

赤带下 五

妇人有带下而色红者，似血非血，淋漓不断，所谓赤带也。夫赤带亦湿病，湿是土之气，宜见黄白之色，今不见黄白而见赤者，火热故也。火色赤，故带下亦赤耳。惟是带脉紧於腰脐之间，近乎至阴之地，不宜有火；而今见火症，岂其路通於命门，而命门之火出而烧之耶！不知带脉通於肾，而肾气通於肝，妇人忧思伤脾，又加郁怒伤肝，於是肝经之郁火内焙，下克脾土；脾土不能运化，至湿热之气蕴於带脉之间，而肝不藏血，亦渗於带脉之内；皆由脾气受伤，运化无力，湿热之气随气下陷，同血俱下，所以似血非血之形象。现於其色也。其实血与湿不能两分，世人以赤带属之心火误矣。治法须清肝火而扶脾气，则庶几可愈。方用清肝止淋汤。

白芍一两，醋炒 当归一两，酒洗 生地五钱，酒炒 阿胶三钱，白面炒 粉丹皮三钱 黄柏二钱 牛膝二钱 香附一钱，酒炒 红枣十个 小黑豆一两（眉批：不用参苓苓极妙。此症若误认为血漏，恐其久则成崩，用参苓苓等药治之，多不见效。赤带反甚，若年逾四九，癸水将止，或频频见血，此崩症也。宜分别治之。五带症古方极多，然有应有不应者，总属未得病原。此书揭透病原，故用无不效。）

水煎服。一剂少止，二剂又少止，四剂全愈，十剂不再发。此方但主补肝之血，全不利脾之湿者，以赤带之为病，火重而湿轻也。夫火之所以旺者，由於血之衰，补血即足以制火。且水与血合而成赤带之症，竟不能辨其是湿非湿，则湿亦尽化而为血矣。所以治血则湿亦除，又何必利湿之多事哉！此方之妙，妙在纯於治血，少加清火之味，故奏独奇。倘一利其湿，反引火下行，转难速效矣。或问曰：先生前言助其脾土之气，今但补其肝木之血何也？不知用芍药以平肝，则肝气得舒；肝气舒自不克土，脾

不受克，则脾土自旺，是平肝正所以扶脾耳。又何必加人参、白术之品，以致累事哉。

血崩

血崩昏暗 六

妇人有一时血崩，两目黑暗，昏晕在地，不省人事者，人莫不谓火盛动血也。然此火非实火，乃虚火耳。世人一见血崩，往往用止涩之品，虽亦能取效於一时，但不用补阴之药，则虚火易於冲击，恐随止随发，以致经年累月不能全愈者有之。是止崩之药，不可独用，必须於补阴之中行止崩之法，方用固本止崩汤。

大熟地一两，九蒸 白术一两，土炒焦 黄芪三钱，生用 当归五钱，酒洗 黑姜二钱 人参三钱

水煎服。一剂崩止，十剂不再发。倘畏药味之重而减半，则力薄而不能止。方妙在全不去止血而惟补血，又不止补血而更补气，非惟补气而更补火。盖血崩而至於黑暗昏晕，则血已尽去，仅存一线之气，以为护持。若不急补其气以生血，而先补其血而遗气，则有形之血，恐不能遽生，而无形之气，必且至尽散，此所以不先补血而先补气也。然单补气则血又不易生，单补血而不补火，则血又必凝滞，而不能随气而速生。况黑姜引血归经，是补中又有收敛之妙，所以同补气补血之药并用之耳。（眉批：若血崩数日，血下数斗，六脉俱无，鼻中微有息，不可遽服此方，恐气将脱不能受峻补也。有力者用辽人参，去芦三钱，煎成冲贯众炭末一钱，服之待气息微旺，然后服此方。仍加贯众炭末一钱，无不见效。无力者用无灰黄酒冲贯众炭末三钱，服之待其气接神清，始可服此方。人参以党参代之，临服亦加贯众炭末一钱冲入。）

年老血崩 七

妇人有关老血崩者，其症亦与前血崩昏暗者同。人以为老妇之虚耳，谁知是不慎房帏之故乎！夫妇人至五十岁之外，天癸匮乏，原宜闭关守寨，不宜出阵战争。苟或适兴，不过草草了事，尚不至肾火大动；倘兴酣浪战，亦如少年之好合，鲜不血室大开，崩决而坠矣！方用加减当归补血汤。

当归一两，酒洗 黄芪一两，生用 三七根末三钱 桑叶十四片（眉批：亦有嫖妇年老血崩者，秘系气冲血

室。原方加杭芍炭三钱，贯众炭三钱，极效。）

水煎服。二剂而血少止，四剂不再发，然必须断欲始除根；若再犯色欲，未有不重病者也。夫补血汤乃气血两补之神剂；三七根乃止血之圣药，加入桑叶者，所以滋肾之阴，又有收敛之妙耳。但老妇阴精既亏，用此方以止其暂时之漏，实有奇功；而不可责其永远之绩者，以补精之味尚少也。服此四剂后，再增入 白术五钱 熟地一两 山药四钱 麦冬三钱 北五味一钱 服百剂则崩漏之根尽除矣。

少妇血崩 八

有少妇甫娠三月，即便血崩而胎亦随坠，人以为挫闪受伤而致，谁知是行房不慎之过哉！夫少妇行房，亦事之常耳，何便血崩？盖因元气衰弱，事难两愿，一行行房泄精，则妊娠无所依养，遂致崩而且坠。凡妇人之气衰，即不耐久战，若贪欢久战，则必泄精太甚，气每不能摄夫血矣。况气弱而又娠，再加以久战，内外之气皆动，而血又何能固哉！其崩而坠也。亦无怪其然也。治法自当以补气为主，而少佐以补血之品。斯为得之，方用固气汤。（眉批：妊娠宜避房事。不避者纵幸不至崩，往往坠胎，即不坠胎，生子亦难养，慎之戒之！）

人参一两 白术五钱，土炒 大熟地五钱，九蒸 当归二钱，酒洗 白茯苓二钱 甘草一钱 杜仲三钱，炒黑 山萸肉二钱，蒸 远志一钱，去心 五味子十粒，炒

水煎服。一剂而血止，连服十剂全愈。此方固气而兼补血，已去之血，可以速生；将脱之血，可以尽摄。凡气虚而崩漏者，此方最可通治，非仅治小产之崩。其最妙者不去止血，而止血之味，含於补气之口也。

交感血出 九

妇人有一交合则流血不止者，虽不至于血崩之甚，而终年累月不得愈，未免血气两伤，久则恐有血枯经闭之忧。此等之病，成于经水正来之时，贪欢交合，精冲血管也。夫精冲血管，不过一时之伤，精出宜愈，何以久而流红？不知血管最娇嫩，断不可以精伤。凡妇人受孕，必于血管已净之时，方保无虞；倘经水正旺，彼

欲涌出而精射之，则欲出之血反退而缩入，既不能受精而成胎，势必至集精而化血。交感之际，淫气触动其旧日之精，则两相感召，旧精欲出，而血亦随之而出。治法须通其胞胎气，引旧日之集精外出，而益之以补气补精之药，则血管之伤。可以补完矣。方用引精止血汤。

（眉批：欲种子者，必待落红后，即三十时辰两日半也，经来之时，数足三十时辰，便可入房。一日男，二日女，三日男，四日女，五日男，六日女，七日男，过七日即不能受孕矣。）

人参五钱 白术一两，土炒 茯苓三钱，去皮
熟地一两，九蒸 山萸肉五钱，蒸 黑姜一钱 黄柏五分 芥穗三钱 车前子三钱，酒炒

水煎。连服四剂愈，十剂不再发。此方用参术以补气，用地萸以补精，精气既旺，则血管流通；加入茯苓、车前以利水兴窍，水利则血管亦利；又加黄柏为引，直入血管之中，而引夙精出於血管之外；芥穗引败血出於血管之内，黑姜以止血管之口。一方之中，实有调停曲折之妙，故能祛旧病而除陈疴。然必须慎房帙三月，破者始不至重伤，而补者始不至重损，否则不过取目前之效耳。其慎之哉！宜寡欲。

郁结血崩 十

妇人有怀抱甚郁，口干舌渴，呕吐吞酸，而血下崩者，人皆以火治之，时而效，时而不效，其故何也？是不识为肝气之郁结也。夫肝主藏血，气结而血亦结，何以反至崩漏？盖肝之性急，气结则其急更甚，更急则血不能藏，故崩不免也。治法宜以开郁为主，若徒开其郁，而不知平肝，则肝气大开，肝火更炽，而血亦不能止矣。方用平肝开郁止血汤。

白芍一两，醋炒 白术一两，土炒 当归一两，酒洗 丹皮三钱 三七根三钱，研末 生地三钱，酒炒 甘草二钱 黑芥穗二钱 柴胡一钱（眉批：此方入贯仲炭三钱更妙。）

水煎服。一剂呕吐止，二剂干渴除，四剂血崩愈。方中妙在白芍之平肝，柴胡之开郁，白术利腰脐，则血无积住之虞；荆芥通经络，则血有归还之药；丹皮又清骨髓之热，生地复清脏腑之炎，当归三七於补血之中，以行止血之法，自然郁结散而血崩止矣。

闪跌血崩 十一

妇人有升高坠落，或闪挫受伤，以致恶血下流，有如血崩之状者，若以崩治，非治无益而又害之也。盖此症之状，必手按之而疼痛，久之则面色痿黄，形容枯槁，乃是瘀血作祟，并非血崩可比。倘不知解瘀而用补涩，则瘀血内攻，疼无止时，反致新血不得生，旧血无由化，死不能悟，岂不可伤哉！治法须行血去瘀，活血以止疼，则血自止而愈矣。方用逐瘀止血汤。

生地酒炒一两 大黄三钱 赤芍三钱 丹皮一钱 当归尾五钱 枳壳炒，五钱 龟版醋炙，三钱 桃仁炒研十粒泡

水煎服。一剂疼轻，二剂疼止，三剂血亦全止，不必再服矣。此方之妙，妙於活血之中。佐以下滞之品，故逐瘀如扫，而止血如神。或疑跌闪升坠。是由外而伤内，虽不比内伤之重，而既已血崩，则内之所伤亦不为轻，何以只治其瘀而不顾气也？殊不知跌闪升坠，非由内伤以及外伤者可比。盖本实。不拨去其标病可耳？故曰急则治其标。（眉批：凡跌打损伤致唾血、呕血，皆宜如此治法。若血聚胃中，宜加川厚朴一钱半、姜汁炒。）

血海太热血崩 十二

妇人有每行人道，经水即来。一如血崩，人以为胞胎有伤，触之以动其血也。谁知是子宫血海因太热而不固乎！夫子宫即在胞胎之下，而血海又在胞胎之上，血海者、冲脉也。冲脉太寒而血即亏，冲脉太热而血即沸，血崩之为病正冲脉之太热也。然既由冲脉之热，则应常崩而无有止时，何以行人道而始来？果与肝木无恙耶？夫脾健则能摄血，肝平则能藏血，人未入房之时，君相二火。寂然不动，虽冲脉独热而血亦不至外驰。及有人道之感，则子宫大开，君相火动，以热招热，同气相求，翕然齐动，以鼓其清房；血海泛滥，有不能止遏之势。肝欲藏之而不能，脾欲摄之而不得，故经水随交感而至，若有声应之捷，是惟火之为病也。治法必须滋阴降火，以清血海而和子宫，则终身之病可半载而除矣。然必绝欲二月而后方可方用清海丸。（眉批：凡血崩症最宜绝欲避房。无奈少年人彼此贪欢，故服药往往不效。若三月后崩止病愈而房事仍无节制，病必复

作，久则成劳。慎之！)

大熟地九蒸，一斤，山萸蒸，十两，山药炒，十两，丹皮十两，北五味炒，二两，麦冬肉十两，白术土炒，一斤，白芍酒炒，一斤，龙骨二两，地骨皮十两，干桑叶一斤，元参一斤，沙参十两，石斛十两

上十四味，各为细末，合一处，炼蜜丸桐子大。早晚每服五钱，白滚水送下，半载全愈。此方补阴而无浮动之虑，缩血而无寒凉之苦；日计不足，月计有馀，潜移默夺，子宫清凉而血海自固。倘不揣其本而齐其末，徒以发灰、白矾、黄连炭、五倍子等药末，以外治其幽隐之处，则恐愈涩而愈流，终必至於败亡也。可不慎与！

鬼胎

妇人鬼胎 十三

妇人有腹似怀妊，终年不产，甚至二三年不生者，此鬼胎也。其人必面色黄瘦，肌肤消削，腹大如斗；厥所由来，必素与鬼交，或入神庙而兴云雨之思，或游山林而起交感之念，皆能召祟成胎。幸其人不至淫荡，见祟而有惊惶，遇合而生愧恶，则鬼祟不能久恋；一交媾即远去，然淫妖之气已结於腹，遂成鬼胎。其先尚未觉，迨后渐渐腹大经水不行，内外相色一如怀胎之状，有似血臆之形，其实是鬼胎而非臆也。治法必须以逐秽为主；然人至怀胎数年不产，即非鬼胎，亦必气血衰微。况此非真妊，则邪气必旺，正不压邪，其虚弱之状，必有可掬。乌可纯用迅利之药以祛荡乎！必於补中逐之为的也。方用荡鬼汤。（眉批：鬼祟之事，儒者弗道，然城市乡曲往往有是症，不可不察。甚勿以此言为荒唐也。）

人参一两 当归一两 大黄一两 雷丸三钱
川牛膝三钱 红花三钱 丹皮三钱 枳壳一钱
厚朴一钱 小桃仁粒三十

水煎服。一剂腹必大鸣，可泻恶物半桶；再服一剂，又泻恶物而愈矣。断不可复用三剂也。盖虽补中用逐，未免迅利，多用恐伤损元气。此方用雷丸以祛秽，又得大黄之扫除，用佐以厚朴、红花、桃仁等味，皆善行善攻之品，何邪之尚能留腹中而不尽逐下也哉！尤妙在用参归

以补气血，则邪去而正不伤。若单用雷丸、大黄以迅下之。必有气脱血崩之患矣。倘或知是鬼胎，如室女寡妇辈，邪气虽盛而真气未漓，可用岐天师新传红花霹雳散：红花半斤、大黄五两、雷丸三两水煎服，亦能下胎。然未免太於迅利，过伤气血，不若荡鬼汤之有益无损为愈也。在人临症时斟酌而善用之耳。

室女鬼胎 十四

女子有在家未嫁，月经忽断，腹大如妊，面色乍赤乍白，六脉乍大乍小，人以为血结经闭也，谁知是灵鬼凭身乎！夫人之身正则诸邪不敢侵，其身不正，则诸邪自来犯；或精神恍惚而梦里求亲，或眼目昏花而对面相狎，或假托亲属而暗处贪欢，或明言仙人而静地取约，其始则惊诧为奇遇而不肯告人，其后则羞赧为淫褻而不敢告人。日久年深，腹大如斗，有如怀妊之状；一身之精血，仅足以供腹则经亦难通；欲生其血而邪食其精，则血实难长。医以为胎，而实非真胎；又以为瘕，而亦非瘕病。往往因循等待，非因羞愤而亡其生，即成劳瘵而终不起。至死不悟，不重可悲哉！治法似宜补正以祛邪，然邪不先祛，补正亦无也。必须先祛邪而后补正，斯为得之。方用荡邪散。（眉批：此方阴险大矣。见有因此病羞愤而蹈於非命，劳瘵而丧於妙年，深为可悯。若服此方不应，宜服桂香平胃散，无不见效。愈后宜调养气血，节饮食。肉桂去粗皮一钱，麝香一钱，以上二味共研细末，开水为丸如桐子大，空心开水下。服后半日时煎平胃散一剂服之。苍术米泔炒三钱，厚朴二钱姜汁炒，广皮一钱，枳实二钱土炒，全当归三钱酒洗，川芎一钱酒洗。服后必下恶物。若不见下恶物，次日再服平胃散，不用桂香。）

雷丸六钱 桃仁六十粒 当归一两 丹皮一两
甘草四钱

水煎服。一剂必下恶物半桶，再服调正汤治之。

白术五钱 苍术五钱 茯苓三钱 陈皮一钱
贝母一钱 薏米五钱

水煎。连服四剂，则脾胃之气转，而经水渐行矣。前方荡邪，后方补正，实有次第。或疑身怀鬼胎，必大伤其血，所以经闭；今既坠其鬼胎矣，自当大补其血。乃不补血而反补胃气，何故？盖鬼胎中人，其正气大虚可知，气

虚则血必不能骤生，欲补血先补气，是补气而血自然生也。用二术以补胃阳，阳气旺则阴气难犯，尤善后之妙法也。倘重用补阴之品，则以阴招阴，吾恐鬼胎虽下，而鬼气未必不再侵，故必以补阳为上策，而血自随气而生也。

调 经

经水先期 十五

妇人有先期经来者，其经甚多，人以为血热之极也，谁知是肾中水火太旺乎！夫火太旺则血热，水太旺则血多，此有馀之病，非不足之症也。似宜不药有喜，但过於有馀，则子宫太热亦难受孕。更恐有烁干男精之虑，过者损之，谓非既济之道乎！然而火不可任其有馀，而水断不可使之不足；治之法但少清其热，不必泄其水也。方用清经散。

丹皮三钱 地骨皮五钱 白芍酒炒三钱，大熟地九蒸，三钱，青蒿二钱 白茯苓一钱 黄柏五分，盐水浸，炒

水煎服，二剂而火自平。此方虽是清火之品，然仍是滋水之味，火泄而水与俱泄，损而益也。（眉批：妇科调经尤难。盖经调则无病，不调则百病丛生。治法宜详察其病原，细审其所以不调这故，然后用药，始能见效。此书虽有先期、后期、先后无定期之分，然须与种子带下门参看。临症时自有进境。）

又有先期经来只一二点者，人以为血热之极也，谁知肾中火时事而阴水亏乎。夫同是先期之来，何以分虚实之异？盖妇人之经最难调，苟不分别细微，用药鲜克有效。先期者火气之冲，多寡者水气之验。故先期而来多者，火热而水有馀也；先期而来少者，火热而水不足也。倘一见先期之来，俱以为有馀之热，但泄火而不补水，或水火两泄之，有不更增其病者乎？治之法不必泄火，只专补水，水既足而火自消矣，亦既济之道也。方用两地汤。

大生地一两，酒炒 元参一两 白芍药五钱，酒炒 麦冬肉五钱 地骨皮三钱 阿胶三钱

水煎服，四剂而经调矣。此方之用地骨、生地，能清骨中之热。骨中之热，由於肾经之热，清其骨髓，则肾气自清，而又不损伤胃气，此

治之巧也。况所用诸药，又纯是补水之味，水盛而火自平理也。此条与上条参观，断无误治先期之病矣。

经水后期 十六

妇人有经水后期而来多者，人以为血虚之病也，谁知非血虚乎！盖后期之多少，实有不同，不可执一而论。盖后期而来少，血寒而不足；后期而来多，血寒而有馀。夫经本於肾，而其流五脏六腑之血皆归之。故经来而诸经之血尽来附益，以经水行而门启不遑迅合，诸经之血乘其隙而皆出也。但血既出矣，则成不足，治法宜於补中温散之，不得曰后期者俱不足也。方用温经摄血汤。

大熟地一两，发蒸 白芍一两，酒炒 川芎五钱，酒洗 白术五钱，酒洗 柴胡五分 五味子三分 肉桂五分，去粗研 续断一钱

水煎服，三剂而经调矣。此主大补肝肾脾之精与血，加肉桂以祛其寒，柴胡以解其郁，是补中有散而散不耗，补中有泄而泄不损阴；所以补之有益，而温之收功。此调经之妙药也，而摄血之仙丹也；凡经来后期者，俱可用。倘元气不足，加人参一二钱亦可。

经水先后无定期 十七

妇人有经来断续，或前或后无定期，人以为气血之虚也，谁知是肝气之郁结乎？夫经水出诸肾，而肝为肾之子，肝郁则肾亦郁矣；肾郁而气必不宣，前后之或断或续，正肾之或通或闭耳。或曰肝气郁而肾气不应，未必至於如此。殊不知子母关切，子病而母必有顾复之情，肝郁而肾不无缱绻之谊。肝气之或开或闭，即肾气之或去或留。相因而致，又何疑焉！治法宜舒肝之郁，即开肾之郁也；肝肾之郁既开，而经水自有一定之期矣。方用定经汤。

兔丝子一两，酒炒 白芍一两，酒炒 当归一两，酒洗 大熟地五钱，九蒸 山药五钱，炒 白茯苓三钱 芥穗二钱，炒黑 柴胡五分

水煎服。二剂而经水净，四剂而经期定矣。此方舒肝肾之气，非通经之药也；补肝肾之精，非利水之品也。肝肾之气舒而精通，肝肾之精旺而水利，不治之治，正妙於治也。（眉批：以上

调经三条，辨论明晰，立方微妙。但恐临时或有外感内伤不能见效，有外感者宜加苏叶一钱，有内伤者宜加神曲二钱炒，有因肉食积滞者再加山楂肉二钱炒，临症须酌用之。若肝气郁抑，又当以逍遥散为主。有热加梔炭、丹皮，即加味逍遥散。）

经水数月一行 十八

妇人有数月一行经者，每以为常，亦无或先或后之异，亦无或多或少之殊，人莫不以为异，而不知非异也。盖无病之人，气血两不亏损耳。夫气血既不亏损，何以数月而一行经也？妇人之中，亦有天生仙骨者，经水必一季一行，盖以季为数。而不以月为盈虚也。真气内藏，则坎中之真阳不损，倘加以炼形之法，一年之内。便易飞腾。无如世人不知，见经水不应月来，误认为病，妄用药饵。本无病而治之成病，是治反不如其不治也。山闻异人之教，特为阐扬，使世人见此等行经，不必妄行治疗。万勿疑为气血之不足，而轻一试也。虽然，天生仙骨之妇人，世固不少；而嗜欲损天之人，亦后甚多。又不可不立一疗救之方以辅之，方名助仙丹。（眉批：曾见妇人一年一行经，身健无恙，妊娠后反月月俱行经，或至五月至七月经止不等。育男皆成人，或以为异。或亦仙骨之所致乎，亦造化令人不测耶！）

白茯苓五钱 陈皮五钱 白术三钱土炒 白芍三钱，酒炒 山药三钱，炒 兔丝子二钱，酒炒 杜仲一钱，炒黑 甘草一钱

河水煎服。四剂而仍如其旧，不可再服也。此方平补之中，实有妙理。健脾益肾而不滞，解郁清痰而不泄；不损天然之气血，便是调经之大法。何得用他药以冀通经哉！

年老经水复行 十九

妇人有年五十外或六七十岁忽然行经者，或下紫血块，或如红血淋，人或谓老妇行经。是还少之象，谁知是血崩之渐乎！夫妇人至七七之外，天癸已竭，又不服济阴补阳之药，如何能精满化经，一如少妇？然经不宜行而行者，乃肝不藏脾不统之故也。非精过泄而动命门之火，即气郁甚而发龙雷之炎。二火交发，而血乃奔矣，有似行经而实非经也。此等之症，非大补肝脾之气与血，而血安能骤止？方用安老汤。

人参一两 黄芪一两，生用 大熟地一两，九蒸 白术五钱，土炒 当归五钱，酒洗 山萸五钱，蒸 阿

胶一钱，蛤粉炒 黑芥穗一钱 甘草一钱 香附五分，酒炒 木耳炭一钱（眉批：加贯仲炭一钱、研细末以药冲服尤妙。）

水煎服。一剂减，二剂尤减，四剂全减，十剂愈。此方补益肝脾之气，气足自能生血而摄血。尤妙大补肾水，水足而肝气自舒，肝舒而脾自得养；肝藏之而脾统之，又安有泄漏者？何虑其血崩哉！

经水忽来忽断时疼时止 二十

妇人有经水忽来忽断，时疼时止，寒热往来者，人以为血之凝也，谁知是肝气不舒乎？夫肝属木而藏血，最恶风寒。妇人当行经之际，腠理大开，适逢风之吹寒之袭，则肝气为之闭塞，而经水之道路亦随之而俱闭。由是腠理经络各皆不宣，而寒热之作，由是而起。其气行於阳分则生热，其气行於阴分则生寒，然此犹感之轻者也。倘外感之风寒更甚，则内应之热气益深，往往有热入血室，而变为如狂之症，一似遇鬼之状者。若但往来寒热，是风寒未甚而热未深耳。治法宜补肝中之血，通其郁而散其风，则病随手而效。所谓治风先治血，血和风自灭，此其一也。方用加味四物汤。

大熟地一两，九蒸 白芍五钱，酒炒 当归五钱，酒洗 川芎三钱，酒洗 白术五钱，土炒 粉丹皮三钱 元胡一钱，酒炒 甘草一钱 柴胡一钱（眉批：加荆芥穗炒黑一钱尤妙。）

水煎服。此方用四物以滋脾胃之阴血，用柴胡、白芍、丹皮以宣肝经之风郁，用甘草、白术、元胡以利腰脐而和腹疼；入於表里之间，通乎经络之内，用之得宜，自奏功如响也。

经水未来腹先疼 二十一

妇人有经前腹疼数日，而后经水行者，其经来多是紫黑块，人以为寒极而然也，谁知是热极而火不化乎！夫肝属木，其中有火。舒则通畅，郁则不扬。经欲行而肝不应，则抑拂其气而疼生。然经满则不能内藏，而肝中之郁火焚烧，内逼经出，则其火亦因之而怒泄。其紫黑者，水火两战之象也；其成块者，火煎成形之状也。经失其为经者，正郁火内夺其权耳。治法似宜大泄肝中之火。然泄肝之火，而不解肝

之郁，则热之标可去而热之本未除也，其何能益？方用宣郁通经汤。

白芍五钱，酒炒 当归五钱，酒洗 丹皮五钱 山梔子三钱，炒 白芥子二钱，炒研 柴胡一钱 香附一钱，酒炒 川郁金一钱，醋炒 黄芩一钱，酒炒 生甘草一钱

水煎。连服四剂，下月断不先腹疼而后行经矣。此方补肝之血而解肝之郁，利肝之气而降肝之火，所以奏功之速。

行经后少腹疼痛 二十二

妇人有少腹疼於行经之后者，人以为气血之虚也，谁知是肾气之涸乎？夫经水者，乃天一之真水也。满则溢而虚则闭，亦其常耳。何以虚能作疼哉？盖肾水一虚则水不能生木，而肝木必克脾土，木土相争则气必逆，故尔作疼。治法必须以舒肝气为主，而益之以补肾之味，则水足而肝气益安，肝气安而逆气自顺，又何疼痛之有哉！方用调肝汤。

山药五钱，炒 阿胶三钱，白面炒 当归三钱，酒洗 白芍三钱，酒炒 山萸肉三钱，蒸熟 巴戟一钱，盐水浸 甘草一钱

水煎服。此方平调肝气，既能转逆气，又善止郁疼；经后之症以此方调理最佳，不特治经后腹疼之症也。（眉批：经前经后腹痛二方极妙，不可加减。若有别症亦宜此方为主。另加药味治之。原方不可减去一味。）

经前腹痛吐血 二十三

妇人有经未行之前一二日忽然腹疼而吐血，人以为火热之极也，谁知是肝气之逆乎！夫肝之性最急，宜顺而不宜逆；顺则气安，逆则气动；血随气为行止，气安则血安，气动则血动，亦勿怪其然也。或谓经逆在肾不在肝，何以随血妄行，竟至从口上出也？是肝不藏血之故乎？抑肾不纳气而然乎？殊不知少阴之火急如奔马，得肝火直冲而上，其势最捷。反经而为血，亦至便也。正不必肝不藏血，始成吐血之症。但此等吐血与各经之吐血有不同者，盖各经之吐血，由内伤而成，经逆而吐血乃内溢而激之使然也。其症有绝异，而其气逆则一也。治法似宜平肝以顺气，而不必益精以补肾矣。虽

然，经逆而吐血虽不大损夫血，而反覆颠倒，未免太伤肾气。必须於补肾之中，用顺气之法，始为得当。方用顺经汤。

当归五钱，酒洗 大熟地五钱，九蒸 白芍二钱，酒炒 丹皮五钱 白茯苓三钱 沙参三钱 黑芥穗三钱

水煎服。一剂而吐血止，二剂而经顺，十剂不再发。此方於补肾调经之中，而用引血归经之品，是和血之法实寓顺气之法也。肝不逆而肾气自顺，肾气既顺，又何经逆之有哉！（眉批：妇人年壮吐血，往往有之，不可作劳症治。若认为劳症，必至肝气愈逆，非劳反成劳矣。方加茜草一钱、怀牛膝八分，尤妙。）

经水将来脐下先疼痛 二十四

妇人有经水将来三五日前而脐下作疼，状如刀刺者，或寒热交作，所下如黑豆汁，人莫不以为血热之极，谁知是下焦寒湿相争之故乎！夫寒湿乃邪气也，妇人有冲任之脉。居於下焦。冲为血海，任主胞胎，为血室，均喜正气相通，最恶邪气相犯。经水由二经而外出，而寒湿满二经而内乱，两相争而作疼痛。愈盛而正气日衰，寒气生浊，而下如豆汁之黑者，见北方寒水之象也。治法利其湿而温其寒，使冲任无邪气之乱，脐下自无疼痛之疾矣。方用温脐化湿汤。

白术一两，土炒 白茯苓三钱 山药五钱，炒 巴戟肉五钱，盐水浸 扁豆炒捣，三钱 白果十枚，捣碎 建莲子三十枚，不去心（眉批：冲任之气宜通不宜降，故化湿不用苍术、薏仁、苡宜类参。）

水煎服，然必须经未来前十日服之，四剂而邪气去，经水调兼可种子。此方君白术以利腰脐之气，用巴戟、白果以通任脉，扁豆、山药、莲子以行冲脉。所以寒湿扫除而经水自调，可受妊矣。倘疑腹疼为热疾，妄用寒凉，则冲任虚冷，血海变为冰海，血室反成冰室；无论难於生育，而疼痛之止又安有日哉！

经水过多 二十五

妇人有经水过多，行后复行，面色痿黄，身体倦怠，而困乏愈甚者；人以为血热有馀之故，谁知是血虚而不归经乎？夫血旺始经多，血虚当经缩，今曰血虚而反经多，是何言与？殊不

知血归於经，虽旺而经亦不多；血不归经，虽衰而经亦不少。世之人见经水过多，谓是血之旺也，此治之所以多错耳。倘经多果是血旺，自是健壮之体，须当一行即止，精力如常，何至一行后而再行，而困乏无力耶？惟经多是血之虚，故再行而不胜其困乏，血损精散，骨中髓空，所以不能色华於面也。治法宜大补血而引之归经，又安有行后复行之病哉！方用加減四物汤。

大熟地一两，九蒸 白芍三钱，酒炒 当归五钱，酒洗 川芎二钱，酒洗 白术五钱，土炒 黑芥穗三钱 山萸三钱，蒸 续断一钱 甘草一钱（眉批：荆芥穗炭能引血归经，方妙极，不可轻易加減！）

水煎服，四剂而血归经矣；十剂之后，加人参三钱，再服十剂，下月行经，适可而止矣。夫四物汤乃补血之神品，加白术、荆芥，补中有利；加山萸、续断，止中有行；加甘草以调和诸品，使之各得其宜，所以血足而归经，归经而血自静矣。

经前泄水 二十六

妇人有经未来之前，泄水三日，而后行经者，人以为血旺之故，谁知是脾气之虚乎？夫脾统血，脾虚则不能摄血矣；且脾属湿土，脾虚则土不实，土不实而湿更甚；所以经水将动，而脾先不固。脾经所统之血，欲流注於血海，而湿气乘之，所以先泄水而后行经也。调经之法，不在先治其水，而在先治其血；抑不在先治其血，而在先补其气。盖气旺而血自能生，抑气旺而湿自能除，且气旺而经自能调矣。方用建固汤。（眉批：与胖人不孕参看，自得立方之妙。）

人参五钱 白茯苓三钱 白术一两，土炒 巴戟五钱，盐水浸 薏苡仁三钱，炒

水煎。连服十剂，经前不泄水矣。此方补脾气以固脾血，则血摄於气之中，脾气日盛，自能运化其湿，湿既化为乌有，自然经水调和，又何至经前泄水哉！

经前大便下血 二十七

妇人有行经之前一日大便先出血者，人以为血崩之症，谁知是经流於大肠乎！夫大肠与行经之路，各有分别，何以能入乎其中？不知

胞胎之系，上通心而下通肾，心肾不交，则胞胎之血两无所归，而心肾二经之气不来照摄；听其自便，所以血不走小肠而走大肠也。治法若单止大肠之血，则愈止而愈多；若掣动三焦之气，则更拂乱而不可止。盖经水之妄行，原因心肾之不交，今不使水火之既济，而徒治其胞胎，则胞胎之气无所归，而血安有归经之日？故必大补其心与肾，使心肾之气交，而胞胎之气自不散，则大肠之血自不妄行，而经自顺矣。方用顺经两安汤。

当归五钱，酒洗 白芍五钱，酒炒 大熟地五钱，九蒸 山萸肉二钱，蒸 人参三钱 白术五钱，土炒 麦冬五钱，去心 黑芥穗二钱 巴戟肉一钱盐，水浸升麻四分

水煎服。二剂大肠血止，而经从前阴出矣；三剂经止，而兼可受妊矣。此方乃大补心肝肾三经之药，全不去顾胞胎，而胞胎有所归者，以心肾之气交也。盖心肾虚则其气两分，心肾足则其气两合；心与肾不离，而胞胎之气听命於二经之摄，又安有妄动之形哉！然则心肾不交，补心肾可也，又何兼补夫肝木耶？不知肝乃肾之子心之母也，补肝则肝气往来於心肾之间，自然上引心而下入於肾，下引肾而上入於心，不啻介绍之助也。此使心肾相交之一大法门，不特调经而然也，学者其深思诸。（眉批：若大便下血过多，精神短少，人愈消瘦，必系肝气不舒。久郁伤脾，脾伤不能统血，又当分别治之。方用补血汤。嫩黄芪二两，生熟各半，归身四钱、酒洗炒熟，杭芍炭二钱，焦白术五钱，土炒杜仲二钱，炒断丝，荆芥炭二钱，姜炭二钱、引用贯仲炭一钱，冲入服之，四剂必获愈。愈后减半再服二剂，经入大肠，必当行经之际而大便下血也。初病血虽错行，精神必照常。若脾不统血，精神即不能照常矣，用者辨之。）

年未老经水断 二十八

《经》云：女子七七而天癸绝。有年未至七七而经水先断者，人以为血枯经闭也，谁知是心肝脾之气郁乎？使其血枯安能久延于人世？医见其经水不行，妄谓之血枯耳。其实非血之枯，乃经之闭也。且经原非血也，乃天一之水，出自肾中，是至阴之精而有至阳之气，故其色赤红似血。而实非血，所以谓之天癸。世人以经为血。此千古之误，牢不可破。倘果是血，何